



Datum: 26.08.2019. godine
Broj: 0D-266/19

Na osnovu člana 69. stav 3., člana 72. stav 3. tačke a) i c) Zakona o javnim nabavkama BiH ("Sl. Glasnik BiH", broj 39/14), člana 8. Statuta Društva –Prečišćeni tekst, Zapisnika o pregledu i ocjeni ponuda, donosim:

ODLUKU **o poništenju postupka javne nabavke**

Poništava se postupak za javnu nabavku usluga „Nabavka i štampanje promotivnog materijala: **LOT- 3** Nabavka i štampa promo materijala za projekat „Challenge to Change“, u skladu sa članom 69. stav 3. Zakona o javnim nabavkama ("Sl. Glasnik BiH", broj 39/14).

O b r a z l o ž e n j e

Obavještenje o nabavci broj 381-1-2-43-3-7/19 za javnu nabavku- Nabavka i štampanje promotivnog materijala: **LOT- 3** Nabavka i štampa promo materijala za projekat „Challenge to Change“ objavljeno je putem sistema „e-nabavke“ 03.04.2019. godine.

Obavještenje o nabavci broj 381-1-2-43-3-7/19 je objavljeno i u „Službenom glasniku BiH“, broj: 26/19 od 05.04.2019. godine

Tendersku dokumentaciju u postupku javne nabavke po tenderu broj JN-145/19 „**LOT- 3** Nabavka i štampa promo materijala za projekat „Challenge to Change“ putem sistema „e-nabavke“ preuzelo je 27 ponuđača. Rok za podnošenje ponuda je bio 24.04.2019. godine do 12:00 sati.

U ostavljenom roku za preuzimanje i dostavu ponuda svoje ponude su dostavili slijedeći ponuđači: B-ELI-M d.o.o. Lukavac, PLATINIUM d.o.o. Tuzla, R&S d.o.o. Sarajevo, CROMOPAK d.o.o. Sarajevo, GARMOND d.o.o. Sarajevo i A-DIZAJN d.o.o. Sarajevo.

U Zapisniku o pregledu i ocjeni ponuda broj: JN-246/19 od 27.05.2019. godine prikazan je tabelarni prikaz dostavljenih ponuda i zahtjevane dokumentacije, tako da su ponude ponuđača GARMOND d.o.o. Sarajevo i ponuđača A-DIZAJN.o.o. Ilidža, Sarajevo u skladu sa članom 68. stav (4) pod tačkom i) Zakona o javnim nabavkama („Službeni glasnik BiH“, broj 39/14), odbačene kao neprihvatljive zbog neispunjavanja uslova za kvalifikaciju, te nisu dalje razmatrane.

Zahtjev za objašnjenje ponuđene cijene u postupku javne nabavke: Nabavka i štampanje promotivnog materijala **LOT- 3** Nabavka i štampa promo materijala za projekat „Challenge to Change“, broj: I-156/19 od 06.05.2019. godine dostavljen je ponuđaču CROMOPAK d.o.o. Sarajevo .

U ostavljenom roku, 07.05.2019. godine, Ponuđač je dostavio pismeno detaljno objašnjenje ponuđene cijene koje je bilo prihvatljivo.



Obzirom da je za ovu javnu nabavku predviđeno provođenje e-aukcije, Ugovorni organ je istu zakazao za 13.05.2019. godine.

Nakon provedene e-aukcije i kriterija "najniža cijena" utvrđena je konačna rang lista ponuđača shodno kojoj je prvoplasirana i najpovoljnija ponuda CROMOPAK d.o.o. Sarajevo sa cijenom ponude bez PDV-a 35.830,00 KM, zatim ponuda PLATINIUM d.o.o. Tuzla bez PDV-a 35.886,83 KM, ponuda R&S d.o.o. Sarajevo bez PDV-a 46.329,00 KM i ponuda B-ELI-M d.o.o. Sarajevo bez PDV-a 82.825,00 KM.

S obzirom da je ponuda ponuđača CROMOPAK d.o.o. Sarajevo ocijenjena kao najprihvatljivija, predloženo je prihvatanje ponude, te shodno odredbama članova 64. stav (1) tačka b) i članu 70. Zakona, donosena je Odluka o izboru najpovoljnijeg ponuđača CROMOPAK d.o.o. Sarajevo, broj: OD-224/19 od 19.07.2019. godine.

Obavještenje o postupku dodjele ugovora u pretmetnoj javnoj nabavci, Odluku o izboru najpovoljnijeg ponuđača i Zapisnik o pregledu i ocjeni ponuda, 19.07.2019. godine dostavljen je svim ponuđačima i istovremeno Odluka o izboru, objavljena je na web stranici Ugovornog organa.

Obavještenjem o postupku dodjele ugovora broj: I-227/19 od 19.07.2019. godine izabrani ponuđač CROMOPAK d.o.o. Sarajevo, je pozvan da obzirom na ishod e-aukcije dostavi novi „Obrazac za cijenu ponude“ kao i dokumentaciju vezano za Izjave po članu 45. i 47. Zakona o javnim nabavkama BiH („Službeni glasnik BiH“, broj 39/14).

Ponuđač CROMOPAK d.o.o. Sarajevo je 23.07.2019. godine dostavio Dopis broj: 30/2019 kojim je Ugovorni organ obavjestio da nisu u mogućnosti raditi i isporučiti usluge po cijeni ponuđenoj na e-aukciji.

Ponuđač PLATINIUM d.o.o. Tuzla je po rang listi sljedeći nakon ponude najuspješnijeg ponuđača, te je istom 24.07.2019. godine upućeno Obavještenje/poziv, broj: I-239/19 radi zaključivanja ugovora u predmetnoj javnoj nabavci, a u kojim je pozvan da dostavi novi „Obrazac za cijenu ponude“ kao i dokumentaciju vezano za Izjave po članu 45. i 47. Zakona o javnim nabavkama BiH („Službeni glasnik BiH“, broj 39/14), kao i Izjavu za produženje opcije ponude.

Drugorangirani ponuđač PLATINIUM d.o.o. Tuzla u roku za dostavljanje navedene dokumentacije nije dostavio dokumentaciju niti bilo kakvo pismeno izjašnjenje, te je Komisija za javne nabavke konstatovala da je i ovaj ponuđač odustao od svoje ponude.

Trećerangiranom ponuđaču R&S d.o.o. Sarajevo i četverorangiranom ponuđaču B-ELI-M d.o.o. Sarajevo se nije mogao uputiti poziv za zaključivanje ugovora u predmetnoj javnoj nabavci jer su 24.07.2019.godine istekle opcije ponuda.



Imajući u vidu navedeno, odnosno da su nastupile okolnosti koje su izvan kontrole Ugovornog organa i koji se nisu mogle predvidjeti u vrijeme pokretanja postupka javne nabavke, predloženo je donošenje odluke o poništenju postupka javne nabavke **LOT- 3** Nabavka i štampa promo materijala za projekat „Challenge to Change“, u skladu sa članom 69. stav 3., a u vezi s članom 72. stav 3. tačke a) i c) Zakona o javnim nabavkama BiH (“Sl. Glasnik BiH”, broj 39/14).

Shodno navedenom, Ugovorni organ je donio Odluku kao u dispozitivu.

Stupanjem na snagu ove odluke, stavlja se van snage Odluka o izboru najpovoljnijeg ponuđača, broj: OD-224/19 od 19.07.2019. godine

Protiv ove Odluke ponuđači imaju pravo da podnesu žalbu u roku od deset dana od dana prijema ove odluke.

Žalba se podnosi Ugovornom organu SERDA d.o.o., u pisanoj formi.

Dostaviti:

- Ponuđačima
- Web stranica
- a/a


DIREKTOR
dr. Ševkija Okerić